



lau easy

To: taxreform@fstb.gov.hk

cc:

Subject: 稅制改革

22/07/2006 11:12

 Urgent Return Receipt

致 :唐先生

本人對你提出的稅制改革有以下意見,

第一, 本人反對開徵銷售稅,甚麼服務稅

第二, 請問唐先生捱過窮未?

第三,請問你屋企試過一個人搵八千元四個人駛未?

第四,請問你試過失業未?

如果以上你都試過,仲儲到錢去購物消費,我第一個跑出來讚成加稅

擴闊稅基唔係問題, 問題在於你和窮人開刀, 係乞兒兜度搶錢啫, 你話到時會幫助的窮人, 想試問下你個的窮人標準係邊度? 收入幾錢為之窮人? 幾多人得個幾仟蚊人工, 搭車又貴食飯又貴, 收入八千, 有百份之二十已經係車錢, 飯錢呢? 屋企的水丫, 電丫, 煤氣費丫, 邊個交丫? 有份工又唔可以申請綜援, 本人更加唔想申請, 我八千蚊收入已經在香港呢個社會係算係中等收入啦, 其他人收入得個四五千點頂丫, 到時候買廁紙要交稅, 睇醫生又要交稅, 而且睇醫生咁係貴, 邊有錢比丫 係咪唔駛睇醫生都會好丫? 係既你咪加囉, 唔該你想下啦, 賺到錢交稅好應該, 我讚成交利得稅, 交薪俸稅, 咁賺唔到錢去邊度搵錢交稅丫, 現今社會有幾多人係老人家, 你有無計過丫.. 佢地儲埋的棺才本都要-黎交稅, 到死個時係咪用報紙包住丫.. 好心你為窮人著想丫, 佢地一頓飯究竟食的咩野? 你一頓飯又食的咩? 你去食鮑, 翅時佢地食緊麵包同粉絲咋, 你地的有錢人每日比一千蚊出黎都濕濕碎, 我地每日比十蚊就要無早餐食, 無錢搭車, 無得出街, 無得買野.. 你明唔明丫?